



香港文匯報訊（記者 李思穎）在疫情陰霾下，娛樂圈接連有好消息「沖喜」一下，繼楊怡和羅仲謙宣佈快將升任父母後，昨日先有羅力威和兩僑在情人節於社交平台宣佈有喜，預產期是8月；傍晚又到新婚3個多月的陳山聰與太太Apple公佈將為人父母的好消息，難道如山聰所言「呢期潮流興公佈『有喜』」？



疫情下演藝圈接連報喜「沖喜」

陳山聰羅力威齊當「鼠爸」



羅力威和的太太小時候都相當可愛，相信未來BB也能遺傳二人的優良基因。

陳山聰昨日傍晚在社交平台宣佈將為人父的好消息，山聰上載親吻太太孕肚及胎兒超聲波照片，並留言：「我老婆情人節好少會昇驚喜我，不過今年但送咗份我最想要又好鍾意嘅禮物，感恩上天賜畀我哋一粒小蒜頭！2020我又多一個身份『陳爸』！我會努力好好保護同照顧你同媽媽，希望你健康快樂成長。今個情人節我哋一家三口祝大家甜甜蜜蜜！身體健康！Happy Valentine's Day！」

山聰兒童節公佈BB性別

山聰又表示感恩，是正能量。他更笑言「嘅期潮流興公佈有咗」，「crazy-runner又多一個成員喇」。至於BB性別，山聰先賣關子，待兒童節當日揭曉。

靜待BB的來臨，兩僑留言：「祝各位情人節快樂！兒女是耶和華所賜的產業；所懷的胎是祂所給的賞賜。（詩127:3）感謝主賜給我們這個寶貴的小生命，不知道你會比較像爸爸還是媽媽呢？」

羅力威發文：「呢個世界又多一個小生命喇！從此食飯多雙筷喇！霎時間感覺到天父創造既（嘅）奇妙和天下媽媽們既（嘅）偉大，終於到我們正式加入父母既（嘅）行列！Hello BB你好！首先多謝你比（界）機會我地（哋）做你爸爸媽媽，請多多指教！你現階段作為一粒BB黎（嚟）講，絕對有責任要高抬貴手仔你媽媽個肚，而我相信媽媽亦都會好小心『鏡』錫住你，唔食大辣，同媽咪好好相處知嗎？culater! luvu」

兩僑輕微不適口味變

兩僑正佻B 3個月，身體適應上還算OK，只有輕微不適，但口味就有變化，變成無酸不歡，她說：「頭三個月都會有少少唔舒服，突然間喺salon洗完頭起身好暈，嚇死我……以為咩事，不過唔嚴重，我知道有嘅都唔算咩辛苦，食嘢就麻煩少少，日日唔同口味，但主要都係酸嘢就開心啲。」

由於口味變，所以她在這段日子內並沒特別進補，「花膠呀，雞湯呀啲heavy嘢，全部都令我好反胃，所以無乜進補，現階段BB size OK，我唔諗住催佢佢啦！都係正常三餐，好開唔時飲吓滴雞精。」至於生仔生女，她表示無所謂，而她稍後才公佈BB性別。

緊張，除了開工外都陪實太太，不過因為疫情問題，其實兩人都甚少出門，她說：「呢段時間都無乜出過街，現在更加少，都係檢查先出去診所，口罩眼鏡洗手都基本，老公會戴手套負責搵開門等；同之前最大分別係我老公現在煮飯，佢真係完全唔識嘅，我啲師奶教人煮飯係斷估㗎嘛，啲分量、次序講到唔清楚，結果都係自己受番，不過佢好努力，進步咗好多，現在都唔差。」

疫情下佻B更是擔心

過去一個月疫症肆虐，兩僑形容是一種挑戰，「其實呢大半年唔只對懷孕嚟講係挑戰，香港人要好好生活本身就係一個挑戰，加上疫情，係會多少少擔心，但係做媽媽嘅幾時都擔心㗎啦。經歷咗多再迎接小生命，除咗好想昇佢一個快樂嘅童年，我更加懂得將來要教佢做一個正直、善良、堅強嘅人。」

羅力威受訪時表示非常感動，覺得BB是自己最大福氣和禮物，因我們這個年紀有BB是不容易的事，只要媽媽和BB健康，自己並不計較是囤囤或囡囡。由於近日疫情嚴重，阿威都難免擔心：「好擔心啊，但老婆呢段時間都好堅強，好叻，而我盡最大的能力照顧太太，幫忙處理家中大小事情，例如煮吓飯，煲湯，整吓糖水咁，最緊要太太開心同希望平安健康。」而作為音樂才子，相信小寶實將會成為羅力威的全新音樂靈感，他都直認將來會想為BB寫歌，又想寫歌去讚揚老婆，歌頌媽媽的偉大，絕對是愛妻號。阿威亦已經準備好做好一個好爸爸：「我希望可以和小朋友好似朋友咁相處，親近多啲令佢開開心心成長，永遠都有個開心嘅童年。」

兩人報喜後，獲不少朋友送上祝福，英皇經理人霍汶希恭喜羅力威，揚言英皇又添丁！



吳岱融和鍾淑慧結婚25周年。

藝人過「疫境」情人節 平安健康是最好禮物！

香港文匯報訊（記者 李思穎）不少藝人昨把一家人的溫馨相片放上網，於疫境中，與伴侶整齊齊健康康已經是最好表達，大家各出奇謀在情人節送上一點「甜」！

楊思琦疫境中順產誕下B仔，湊成「好」字，她在網上放上BB「豬豬」和姐姐Krystal合照，但依然未見神秘老公露面，但見「豬豬」五官標致，熟睡的他非常可愛，思琦留言：「歡迎『豬豬』來到我們的大家庭！感恩家人和醫生、醫護的照顧！這幾天收到很多向爸媽的恭喜，謝謝你們的愛，我順利出生啦！我重七磅八安士，是一隻爛爛豬，吃飽就瞓，個樣仲要好滿足咁，好得意，成隻豬仔咁！所以媽媽叫我『（豬豬）』！我還有一個疼愛我的Krystal姐姐呢！愛你們啊……大家情人節快樂！」

吳岱融夫婦慶銀婚

吳岱融和太太鍾淑慧結婚以來，表現恩愛，昨天的情人節，也是兩人結婚25周年（銀婚），吳岱融上載多張照片，兩公婆撈枱飲啤酒，他留言示愛：「二月十四日今天也是我們結婚週（周）年25年了，謝謝你，我的老婆I love you！Happy Valentine's day！」

不少藝人趁着情人節紛紛在網上「放閃」，以甜蜜合照，開心「全家福」應節，包括有王祖藍、杜德偉、毛舜筠、楊愛瑾等，當中祖藍留言稱：「結婚五周年，我們只有一個願望，就是所有的家庭都平安健康快樂！」看來大家只求簡單平淡，健康便是情人節最好禮物。



楊思琦晒子女合照。



杜德偉一家三口幸福合影。



衛詩雅失戀頹廢？

香港文匯報訊（記者 李思穎）由衛詩雅、唐禹哲等人合演的愛情小品《熟女愛漫遊》將於3月12日上映，戲中女主角衛詩雅飾演芳齡29歲的輕熟女陶莎莎，當中有幾場戲她以素顏上陣，故事中講述即將踏入30歲人生關口前的陶莎莎，突然被拍拖13年的男友Paul（周俊偉飾演）提出分手，深受失戀打擊，她便終日宅在家，三日三夜沒出外、沒打扮，只願煲劇實行頹廢到底。

衛詩雅表示：「導演初頭同我講，其中一場戲會將我建立多年靚女形象打破，幫我打造一個頹廢失戀Look示人，自覺作為演員不會介意本身形象，便叫導演放心豁出去，結果第一次也給自己的妝容嚇倒，但仔細再看又覺得頹廢不失可愛，因平時不會做到，希望觀眾會喜歡我這特別髮型。」

其實拍這場戲最難並不是對造型難以接受，反而要適應一個極其混亂的拍攝場景才最頂唔順，她表示：「由於我本身都係一個愛整潔女孩子，當日去到拍攝現場真係嚇一跳，因為個景真係設計到非常凌亂，所以排戲走位時要提醒十二分精神，記清楚條路點行，驚正式拍時會跌倒，但最搞笑是我成日等埋位時會忍唔住想執屋，搞到導演都係叫我乖乖地瞓喺度當幫忙，哈哈！」



心形披薩好浪漫。

香港文匯報訊（記者 阿祖）昨天2月14日情人節，黎姿於社交平台上載心形披薩及一束玫瑰花照片，並留言道：「唯鮮花和美食不可辜負！加上這三個小情人，老公要跟四個情人一起過節，再平淡的一餐飯也吃得轟轟烈烈啊！」黎姿更向老公道出心聲：「開心、快樂、平安就好！非常時期，也別忘跟相愛的另一半說聲情人節快樂！」雖然在新冠肺炎疫情持續情況下，黎姿一家四口於情人節仍過得平安和快樂，開開心心共敘天倫樂，照片所見女兒拿着三文治引誘黎姿，黎姿即跟女兒大啖大啖的搶吃美食，是相當溫馨愉快的一幕！